



O Volapükans Valöpo!

In pened oba mula pasetik ekazetob veüti püka „pösodik,” sevabo : nol vödas Volapükik, kels tefons lifi aldelik obas. Ven spikobs Volapüko, neodobs vödasstoki somik ad „lifükön” spikoti, voto operobs okkonfidi, e no ospikobs skilädiko.

Ab no nedemobsös reidi Volapüka. Pro pluamanum Volapükafleas, reid binon kontag balik ko Volapük. E su pads gaseda kanoy reidön lartügis alsotik : lartügis fasilik, fikulikum e fikulikünis. Laboy pöti gudik ad stepön pianiko da nivods difik. Juitobs mu vemo reidi lartügas fasilik, bi okkonfid obas glofon tefädiko. Lartügs fikulikum flagons gebi vödabuka ad tuvön vödis nekösömik. Ab ven steifüloy ad reidön lartügis „fikulikün,” blufod nämik dabinon ad no reidön onis sektü def vödas mödik. In tef at, din gudik binon ad dilodön reidedi somik ini dils teldeg. Somo okanoy studön gudikumo löloti dü mul. Pos stud kälöfik at, nol püka oglofon, ed okanoy senön progedi pedunöl.

Fino, kodü def spada, ekö penets tel, kels tefons lartügi : „Elot Zahir” :

- (1) El „Thug” äbinon nem grupa sasenanas calik vönädo duniks in Nolüda-Lindän, kels äkultoms jigodi : Kali, ed älofoms ofe viktimis oksik.
- (2) El Barlach küpetom, das el Yauq binon in Kuraan (LXXI : 23), e das profetan binon „Al-Moqanna” (Pevealölan), e das nek, pläämü spodan stunüköl : Philip Meadows Taylor, eyümäton onis ko el Zahir.

Valikosi Gudikün Oles ed Olikanes

Ralph

VOTASTIDAM SPERANTAPŬKA – MENOD-LI?

fa hiel John Redgwell

Studans Sperantapŭka suvo cedons, das hiel Zamenhof ĉpŭlom tefŭ vĉl vŭdas e finots aniks. Samo, suĉdons, das „estas“ sŭton binŭn „esas,” e das geb ladyeka labŭ –a e subsat labŭ –o jinon pŭlik. Ye, pos geb pluik pŭka suno konstatoy, das kod ceda at binon def plaka tefŭ pŭk, e das hiel Zamenhof ga no ĉpŭlom dŭ dins at. Too igo utans, kels ya gebons pŭki ela Zamenhof dŭ yels mŭdik, cedons anikna, das kanoyŭv menodŭn oni ad moŭkŭn misuemis valik. Gebob Sperantapŭki ya dŭ yels plu ka teldegs, e cedob, das binon pŭk legudik fa letĉlenan pejafŭl. Cedob ye, das no dabinson pŭk nendŭfik (pŭk kinik binon-li-la nendŭfik?) Klu ekŭ krŭt obik tefŭ on:

Krŭt balid tefon foyŭmoti „mal-.” Pŭks netik, ĉs Linglĉnapŭk e Fransĉnapŭk, ga labons foyŭmotis, kels sinifons taĉdi, ab geboy onis te ko vŭds anik. Vŭds stabik, soĉs vŭds, kels sinifons „gudik,” „gretik,” e r labons fomis patik ad sinifŭn taĉdi. Bi kazet in Sperantapŭk falon su silab folĉtik, pŭ spikam vifik mŭgos, das no liloy foyŭmoti „mal-,” seko kanoy lilŭn: „Donu al mi malgrandan glason da biero” (= Civolŭs obe vĉri smalik bira) as „Donu al mi grandan glason da biero” (= Civolŭs obe vĉri gretik bira”). Sŭmo kanoy kofudŭkŭn cedi dŭ men badik ta ced dŭ men gudik!

Krŭt telid oba tefon poyŭmoti „-ej,” kel sinifon „-ŭp.” Geb poyŭmota at kanon binŭn telplanŭvik, as sam: „lernejo” (= lĉrnŭp). Samo, bumot, kŭ daŭlans lĉrnons eli yoga binon „lernejo,” ma siĉm vidik. Ye Sperantapŭkans kŭsŭmiko suemons sinifa vŭda „lernejo” as „jul.”

Krŭt kilid obik tefon poyŭmoti „-uj,” kel sinifon „-iĉr,” ed i pagebon ad sinifŭn „-ĉn.” No dabinson poyŭmot patik in Sperantapŭk ad sinifŭn „lĉn.” Binon-li-la, das Linglĉn (Anglujo) binon bok semik pro Linglĉnans?! No cedob, das lŭdob in bok! Sperantapŭkans nuik suvo sagon: Anglio, Francio, Germanio, e r. ab jenŭfo „-i” no binon

poyŭmot in Sperantapŭk! Neodoy poyŭmoti nulik ad tradutŭn poyŭmoti Volapŭkik „-än.“

I geboy „-uj“ ad nemŭn bimis, kels prodons flukis, samo „pomujo (= podabim), ab podabim vo no binon podiär! Demŭ atos Sperantapŭkans kŭsŭmo sagon „pomarbo“ (= podabim).

Sŭtoy-li votastidŭn Sperantapŭki? Cedŭ ob : Leno! Ävotastidoy oni bŭ yels mŭdik ed enemoy pŭki nulik at eli „Ido,” ab mens liomŭdotik spikons-li eli „Ido” nutimo? Sperantapŭk rigik blebon as pŭk cifik bevŭnetik, e geb Volapŭka daglofon, ab el „Ido” no plŭpon. In pŭk seimik vŭds dagetons siämi oksik dub geb. Sperantapŭkans sevons, das ven sagoy „lernejo,” vŭd sinifon bumoti, kŭ cils lärons ad reidŭn, penŭn, dunŭn matemati, e r, e das „Anglujo” binon nem läna - no bok ini kel seitoy Linglänanis! Sperantapŭk binon pŭk veratik, e pŭks veratik valik binons bosilo netikaviks. Mens, kels gebons Sperantapŭki ya dŭ yels mŭdik no vilons, das votastidoy pŭki onsik! Votastidam pŭka mekavik muton jenŭn ven pŭk binon nog yunik, u ven binon ti deadik.

Votastidam pŭka äs Sperantapŭk, kel dabinson nen votŭkam sis yels tum, no binonŭv menod - binonŭv katastrof!

★ ★ ★ ★ ★ ★ ★ ★ ★ ★ ★ ★ ★

BENOSEK

Benosek binon vŭd veŭtik delas obsik. Ab sinif vŭda at binon vidik. Mens mŭdik cedons, das benosek no dabinson nen mon mŭdik. Pro ons, man benosekik binon balionan; votikans cedons, das benosek binädon me mat läbik ko cils löfik. Tefŭ spot, baonan sagatik Pierre de Coubertin äcedom, das din veŭtikŭn no binon ad gaenŭn, ab ad kompenŭn, leigoäs din veŭtikŭn lifa no binon levikod, ab lŭd. Ägidetom-li? Sagod oma, kel padŭnuon mŭdikna fa mŭdikans da vol, jinon lesiŭn cedi at!

NESEVÄDAN, KEL ÄLOGODOM TOMIKO SEVÄDIK

fa hiel Frank Roger

Vom baldik ajütof smilili ladöfik mane lifayelas za foldegas, kel inükömom ini cem oka. Äblebof seilik, e notodot su logod, sofalik, ab säkiälik, äklülükon, das no äsevofo omi, ed ägevon ome seko primäti ad primön telpikoti.

„Poszedeli gudik!“ äsagom nesevädan, „lio stadol-li adelo?“ Valikos binon-li kotenik?“

Änutof plütiko ed äläükof: „Stadob gudiko, danö! pos zog timülik äsif no ispihof dü yels mödik ed äneodof töbidi legretik ad flumükön vödis dönu.

„Neodol-li bosü?“ äsākom man büä ākanon reigön dönu seil. „Labol-li valikosi, keli desirol is?“

„Si, binob kotenikün is,“ ägespikof. „Zib binon legudik, pösodef binon flenöfik ā yufiälik, e labob gasedis oba e televidömi oba ad fulükön timi oba . . . do no dabinson mödikosi ad reidön u ad televidön tü tim anuik.“ Älemufükof kapi, äjedof logedi viföfik lü gul cema äsif äfūmof, das binon nog us, tūf voto äsüenikof.

„Butükob ad seadön is,“ äfövofo, „ad memön delis gudik pasetik. Nog memob kleiliko timi ven cils oba äbinons yuniks, ven matan oba ālifom nog pö saun gudik, e fütür legudik ājinon ad levüdön obis. Ag! Vio ledesirob timis at. Ab dins liedo no jāfidons soiko,“ äseifof, du ālogetof lü om nen jenöfo logön omi, ab memis āföufkof fo sevälöf oka, kels ägefsumons se mieds fagikün tikāla. Ag! dels et ābinons magifiks . . . matan oba ābinom bumavan, ed ävobom lomo; utos, kel ādālos obes ad juitön famülalifi mu jöniki. Äkanobs dugālön cils obsik kobo, tapladü pluamanum menas. Ilabobs dauti nemü Jessica, e soni nemü Tomas. Äbinons cils tālenik ed āvedons, nestipädiko, studans legudik. Äbinons fon läba nenfinik obes. Äbinobs vo famülans fredik. Labob memis jönik vakenas valik, kelis ālifādobs kobo. Ün hitüp alik ārävobs lü Spanyän u Grikän, e lü tops votik, kels ālabons sabajolis e soli mödik, kö ākanobs sātenidükön obis, e kö cils ākanons pledön. Poso cils obas ādaglofons, ālūvons

domi ed amatikons. Matan ed ob fredo akoslogobs baldi kotenik kobo, ab kanser amosumon omi ün lifayel mäldegteled. Äbinos bü yels plu ka teldegs. Esoalob siso. Binob kotenik is, ab, äsä esagob osi ole, semiknaiko sufob soali, igo perisenäli, do elämob ad lifön ko dinäds äsä binons."

„Utos, kel skänos obi mödiküno, binos, das neai logob cilis oba. No elogob onis sis lunüp. Jenöfo nulälob suvo, kis ejenon ones. Lifons-li nog, saunons-li, labons-li karieris benosekik, labons-li cilis? Ba binob lemot, no sevob osi! Kin sevon, poscilis liomödotuk labob-la! No cedol-li, das lemot dalof logön poscilis oka pö naeds anik a yel? U säkob-li tu mödikosi?" Älemufükof kapi; logod ofa ägrufon me däsper luvenik; ti äprimikof ad drenön.

„No kanob igo memön ga timi lätik ven ävisitons obi," äfövof me vög dremöl. „E fümiko no sevob kikodo no visitons obi plu. Blebob ai mot onas, no-li? Mögos-li, das eglömons obi? Bos jeikik ba ejenon-la ones! Godö! no sötob ga betikön somo! Tikamagot somik lienetükon obi. Ba tikol, das perob tikäli obik u somikos. Pidob osi mu vemiko."

Äseilikof, ädontükof logeti oka, steifülölo ad bemastön fäkis oka. Dü timül äjinos, äsif äbinof-la lesüenik, tän ägelogedof omi, ed äsagof me vög küpoviko nefäkik: „Spelob, das no nofölob oli, das sagob atosi ole. Sevob, das binos nesiämik, ab, ön mod seimik, mebol obi de son obik Tomas. Logod olik jinon so bisariko sevädik, do no sevobs odi. Ye labob klienäli at dredilik, das son oba sümedom nätimiko lü ol. Do kleiliko no kanob fomälön logodalienädis omik anu, bi no elogob omi sis lunüp. Seko tikäl oba muton binön neklilik, u mebs oba ba cütöns obi. Spelob, das kanol pardön jibäldikane mebis yunüpa e ledesiri ad dönulogön soni, sis lunüp peperöli . . . " Vög ofa nevifikö änepubon, ed äjinof ad ninikön dönu ini vol ninik, privatik, tikodas e mebas ofik.

Ven seil ivedon nekovenik, man äsagom ofe adyö ed älüvom cemi. Jibäldikan no igo älöädof kapi.

Äbeigölöl jigetedani kliniga nemü „Solamoikam Goldik," vom po getedatab äsäkof omi: O Söl Renneville, lio stadof-li mot ola?"

„Pidob, das no plu memosevof obi,” äsagom, „ed alna, ven visitob ofi, sagof obe dini ot dö cils ofa, kels eglömons ofi, e vio soalik binof.” Äseifom. „So ebinos da yels, e no tikob, das saunastad ofik ogudükurnon.”

„Ab kömol ai. Atos, no sinifos-li, das spelol ai?”

„Si! verätikol. Kömob ai telna a vig, e sör oba leigo, ab klütalabiko eperobs speli lölik, das motül obinof äsä äbinof büo. No plu blinobs cilis. Äbinon plak tu kofudik pro ons ad logön lemotüli so. Ab niludob, das Jessica ed ob ovisitobs ofi jü fin.”

„Suemob osi. Jü dödel, o söl Renneville. Adyö!”

„Adyö!” äsagom Tomas Renneville, ed ältivom klinigi nemü „Solamoikam Goldik.”

FIN

(Tradutod fa hiel R. Midgley)



ELOT ZAHIR (3)
fa Jorge Luis Borges

Un gustul, äsludob ad konsälidön lanivestigani. No äkonfidob ome konotí smilöfik lölik oba; äsagob ome, das nenslip ätomon obi, e das magod yega semik äpöjuton obi; ut sirkota, u ba könäda . . . Boso pos atos, äsesebob in bukiselidöp su süt Sarmiento samädi ela „Urkunden zur Geschichte der Zahirsage” (Rufons dö jenav faba: zahir) (Breslau, 1899) fa hiel Julius Barlach.

In buk et päbeponon maläd obik. Ma fonun, lautan äsludob ad „kobükön ini toum bal, in fomät jölplifätik kovenik, dokümis valik tefü lukred

elota Zahir, keninükamü penäds fol, lü ragiv huela Habicht dutöls, äsi namapenäd rigädik nunoda huela Philip Meadows Taylor." Kred in el Zahir binon slamik ed äsuikon, jinos, ün tumyel XVIII-id. (El Barlach no zepom setis, kelis hiel Zotenberg kodidom hiele Abulfeda). El zahir, Larabänapüko, sinifon: notidik, logädik; me sinif at, binon bal nemas züldegzül Goda; pöp, in läns slamik, gebon onl demü „dabinots u dabinans, kels labons tugi jeikik ad binön neglömoviks, e kela mag fino lienetükon menis."

Temunod no dotabik balid binon ut Pärsänana: Luft Ali Azur. Su pads kuratik siklopeda lifibepenamik tiädü „Filatem," koultavan ä därvid at ekonom, das in jul tö Shiraz idabinon mälöm kuprinik, „soiko pämeköl, das utan, kel älülogon oni balna, no plu ätikon dö votikos, e sekü atos reg äbüedon jedön oni ini top dibikün mela, dat mens no öglömons levali." Lunikum binon nunod ela Meadows Taylor, kel ädünom ele nizam di Hyderabad ed äduinom lekonedo famik „Confessions of a Thug." [Koefs ela Thug (1)] Tüi 1832, el Taylor ällilom in plödaharats ela Bhuj notodoti nekösömik: „elögön Tigridi" (Verily he has looked on the Tiger = jenöfo elogedom Tigridi), kel sinifon lieneti u saludi. Äsagoy ome, das notodot at ätefon tigridi magivik, kel äbinon maledit utanas, kels ilogons oni, igo fagao, bi valikans äbleibons tikön dö on jü fin delas oksik. Ek äsagon, das bal neläbanas at ifugom lü Mysore, kö ipänom in ledom semik magodi tigrida. Mö yels poso, el Taylor ävisitom fanäböpis reigäna at; in ut di Nithur, guveran äjonom ome leziöbi, su kela glun, su kela völs, su kela nufed el fakir slamik semik idäsinom (me köls barbarik, kelis tim, büä äradon, ärafinükon) soti tigrida nenfinik. Tigrid at pämekon me tigrids mödik, ön mod suidüköl; tigrids ätravärons oni, pästripon fa tigrids, äninädon melis ed elis „Himalaya" e milltis, kels äsümons ad tigrids votik. Pänan ideadom bü yels mödik, in leziöb ot; ikömom de Sind, u ba de Guzerat, e primo ädesinom ad pänön volakaedi. De desin at äretons liens anik in magod mostöfik. El Taylor äkonom konoti at hiele Muhammad Al-Yemeni di Fort Williams; atan äsagom, das jafäb nonik dabinon, kel no klienon ad el „Zaheer" (so el Taylor penom vödi at), ab Valimiserat no dälom, das dins tel binons-la on leigüpo, bi bal ya kanon jänälön menamödotis. Äsagom, das ai dabinon el Zahir bal, e das dü Timäd Neseva äbinon magod lugoda, kel poso pänemon „Yauq" e pos atos profetan ela „Jorasan," kel älenlabom veali me stons pebrodöl, u maskari goldik (2). Id äsagom, das God no binon letuvovik.

Pluna ädönureidob penädi ela Barlach. Sävilupob senälis obik: memob däsperi timüla, kü äsuemob, das nos nog ösavon obi, senäl lelivüköl seva, no ädöbob demü neläb obik, glöt nämöfik tefü mens et, kela Zahir no äbinon könäd, ab diled maboina u tigrid. Kiofasilik binon desinod ad no tikön dö tigrid, ämeditob. Memob i kudi patik oba, du äreidob bagafi at: Plänan semik ela Gulshan i Raz sagom, das utan, kel elogon eli

Zahir, suno ologon Rosadi; e liän peŭüköl lü el Asrar Nama (Buk Dinas Penesevöl) ela Attar lesagon: el Zahir binon jad Rosada ä sleit Veala."

Tü neit, kü ägalädons lä el Teodelina, äsüpädos obi, das no älogob vü komans lädi Abascal: sör yunikum ofik. Ün tobul, jiflen ofik äsagof obe: „O Julita pöfik! Älienetof, ed äsedons ofi lü lienetanöp: Bosch. Kio mükükof oki fo jikälans, kels enulüdots ofi me spuns . . ."

Tim, kel radon memis, vemükon uti ela Zahir. Büo äfomälöb flani bal e poso votiki; nu logob bofikis ottimo. Atos no jenon äsva el Zahir binon-la kristadik, bi flans no suspladons okis sus od, ab äsva logam binon glöpöfik ed el Zahir topon in zänod. Ut, kel no binon el Zahir, kömon lü ob pesibölo ed äsvo fagao: mag nestumöl ela Teodelina, dol koapik. Hiel Tennyson äsagon, das, if kanobsöv suemön flori igo bali, seivobsöv, kins binobs, e kis binon vol. Ba ävilom sagön, das no dabinson jenöfot, igo pülikün, kel no bücedon jenotemi valemik ko yümätam nenfinik ona vobedas e kodas. Ba ävilom sagön, das vol logädik givon oki löliko pö mag alik, soäsä vil, ma hiel Schopenhauer, givon oki löliko pö tikäl alik. Kabaalans äsuemons, das men binon smalaleval, lok sümbofik levala; val, ma el Tennyson, binon soik. Val, igo el Zahir nesufälovik.

Bü 1948, fät ela Julia odrefon obi. Ozesüdös, das onulüdoz ed oklotoy obi, no osevob, va obinos göd u soar, no osevob, kim äbinom el Borges. Ad lecedön fütüri at lejeikik binosöv pöl, bi nonik dinädas ona ovobedon in ob. Ebo ot binosöv ad lesagön, das binon lejeikik dol penarkotölana, kela krani maikötoy. No plu osienob levali, osienob eli Zahir. Bai lejonod dialimik, värbs „lifön," e „drimön" binons ebo otsinifiks, de milats logotas olovegolob lü bal, de drim komplitikün lü drim balugikün. Votans odrimons, das binob lienetik, ed ob dö el Zahir. Ven mens valik tala, aldela äd alneito, obetikons te eli Zahir, kinik obinon-li drim e kinik lejenöf, tal ud el Zahir?

Dü düps nenmenik neita kanob nog golön da süts. Gödalulit kösömiko tuvon obi su bam piada: Garay, tiköl (steifülöl ad tikön) dö liän e ela „Asrar Nama," kö sagoy, das el Zahir binon jad Rosada ä sleit Veala. Yümätob magi at ko tiket at: ad paperön in God, els „sufis" slamik dönuoms nemi okik, u nemis züldegzül Goda, jüs sinifons nosi. Ledesirob ad begolön vegi at. Mögos, das me tikam nenropik overükob eli Zahir; mögos, das po könääd binon God.

FIN

(Hiele Wally Zenner)

(Tradutod fa hiel S. Meira)